

VENDIM
Nr. 350, datë 19.4.2017

**PËR TRAJTIMIN ME PAGË DHE SHTESA MBI PAGË TË PUNONJËSVE TË SHËRBIMIT
TË MBROJTJES NGA ZJARRI DHE SHPËTIMIN**

(ndryshuar me VKM nr. 624, datë 28.9.2022)

(i përditësuar)

Në mbështetje të nenit 100 të Kushtetutës, të pikës 2, të nenit 4, të ligjit nr. 10405, datë 24.3.2011, “Për kompetencat për caktimin e pagave dhe të shpërblimeve”, të ndryshuar, të pikave 1, shkronja “a” dhe 2, të nenit 31, të ligjit nr. 152/2015, “Për Shërbimin e Mbrojtjes nga Zjarri dhe Shpëtimin”, me propozimin e ministrit të Shtetit për Inovacionin dhe Administratën Publike dhe ministrit të Financave, Këshilli i Ministrave

VENDOSI:

1. Miratimin e strukturës dhe të niveleve të pagave për gradë dhe shtesave mbi pagë, për punonjësit e Shërbimit të Mbrojtjes nga Zjarri dhe Shpëtimin.

2. Struktura dhe nivelet e pagave bazë për gradë, për punonjësit e Shërbimit të Mbrojtjes nga Zjarri dhe Shpëtimin, janë sipas lidhjes nr.1, që i bashkëlidhet këtij vendimi dhe është pjesë përbërëse e tij.

3. Punonjësit e Shërbimit të Mbrojtjes nga Zjarri dhe Shpëtimin, për çdo vit vjetërsi shërbimi, përfitojnë shtesë mbi pagë, në masën 1 për qind për çdo vit, deri në 25 vjet. Kjo shtesë llogaritet mbi vlerën e pagesë bazë të gradës “Asistent zjarrfikës”. Për efekt të llogaritjes së kësaj shtese, vite shërbimi do të konsiderohen vitet e qëndrimit në gradë, të dokumentuara në librezën e punës së çdo punonjësi, në strukturat e Policisë së Mbrojtjes nga Zjarri dhe Shpëtimin, Forcave të Armatosura, Policisë së Burgjeve, Gardës së Republikës, Shërbimit për Çështjet e Brendshme dhe Ankesat, *Policisë së Shtetit* si dhe në strukturat e Shërbimit Informativ të Shtetit.

4. Vitet që përjashtohen nga llogaritja e shtesës së vjetërsisë në shërbim, vetëm për efekt pagese, janë vitet e sigurimit vullnetar, vetëpunësimit, vitet e punës si punonjës pa grada, vitet e shërbimit ushtarak për meshkujt, vitet e shkollimit në institucionet e arsimit ushtarak të Ministrisë së Punëve të Brendshme e të Ministrisë së Mbrojtjes, si dhe periudhat e trajtimit me pagesë papunësie apo pagesë kalimtare.

5. Vendimi nr.438, datë 13.7.2007, i Këshillit të Ministrave, “Për pagat e punonjësve të Policisë së Mbrojtjes nga Zjarri dhe Shpëtimin”, i ndryshuar, shfuqizohet.

6. Efektet financiare, që rrjedhin nga zbatimi i këtij vendimi, për vitin 2017, të përballohen nga fondet e miratuara në ligjin nr.130/2016, “Për buxhetin e vitit 2017”, për politikat e reja të pagave.

Ky vendim hyn në fuqi pas botimit në Fletoren Zyrtare dhe i shtrin efektet nga data 1 mars 2017.

ZËVENDËSKRYEMINISTRI
Niko Peleshi

**STRUKTURA DHE NIVELET E PAGAVE PËR PUNONJËSIT E SHËRBIMIT TË
MBROJTJES NGA ZJARRI DHE SHPËTIMIN**

(zëvendësuar me VKM nr. 624, datë 28.9.2022)

<i>Niveli</i>	<i>Grada</i>	<i>Paga bazë për gradë</i>	<i>Shtesa për natyrë të veçantë pune</i>
<i>1</i>	<i>2</i>	<i>3</i>	<i>4</i>
<i>Niveli bazë</i>	<i>Asistent Zjarrfikës</i>	<i>43000</i>	<i>7000</i>
	<i>Zjarrfikës</i>	<i>49000</i>	<i>8000</i>
	<i>Kryezjarrfikës</i>	<i>51500</i>	<i>8000</i>
<i>Niveli i mesëm</i>	<i>Inspektor Zjarrfikës</i>	<i>60000</i>	<i>6000</i>
	<i>Kryeinspektor Zjarrfikës</i>	<i>69500</i>	<i>6000</i>
	<i>Komisar Zjarrfikës</i>	<i>91000</i>	<i>6000</i>
<i>Niveli i lartë</i>	<i>Drejtuës Zjarrfikës</i>	<i>101000</i>	
	<i>Drejtuës i Parë Zjarrfikës</i>	<i>112000</i>	
<i>Niveli madhor</i>	<i>Drejtuës i Lartë Zjarrfikës</i>	<i>123000</i>	